

**Ataatsimiinnerup ammarneqarnera**

(Inatsisartut Siulittaasuut)

Immikkut ittumik ataatsimiinnermut matumunnga tikilluaritsi. Suleriaatsimi § 38, imm. 3 naapertorlugu Naalakkersuisut Siulittaasuata siulittaasoqarfik qinnuigisimavaa Inatsisartut immikkut ittumik ataatsimiigiaqqoqqullugit.

Taamaattumik ullumi ataatsimiinnermi oqaluuserisassani immikkoortoq ataasinnaavoq, tassalu immikkoortoq ataatsimiigiaqqusinnermut tunngaviusoq.

Imm. 3:

Siunnersuut uunga: Inatsisartunut immikkut ittumik qinersinissaq pillugu Inatsisartut inatsisaat nr. xx, xx. xxx 2018-imeersoq  
(Naalakkersuisut Siulittaasuut)

Immikkoortoq tulleriissiinnarlugu siullermeerneqarlunilu, aappassaaneerneqarlunilu pingajussaaneerneqassaaq.

Inatsisartunut ilaasortat tamarmik immikkut ataatsimiinnermut matumunnga peqataasinnaasimanngillat. Taamaalilluni Inatsisartunut ilaasortaq Vivian Motzfeldt najuutinngilaq.

Inatsisartunut ilaasortaq Iddimangiiu Bianco 30. november 2017 Inatsisartunut ilaasortajunnarpoq. Naalakkersuisunut ilaasortap Aqqaluaq B. Egedep Inatsisartunit sulinnigiffeqarnini atorunnaarsippaa 1. januar 2018-ilu ilaasortanngoqqilluni.

Inatsisartut kingullermik ataatsimiinnerata kingorna ilaasortaaqatigisimasavut marluk toqkkut qimagussimapput, tassa Landsrådimut Inatsisartunullu ilaasortaaasimasoq Lars Godtfredsen aamma siusinnerusukkut Inatsisartunut ilaasortaaasimasoq Hans Pavia Egede, tamarmik januaarimi, aappaa ulloq 13. januar aappaalu 15. januar, toqkkut qimaguttut.

Taamatutaaq nunatta ikinngutaa kunngikkormiutut ataqqinassusilik Prins Henrik ulloq 13. februar toqkkut qimaguppoq.

Siunnersuutigaara pineqartut minutsi ataaseq nipangersimalluta eqqaaniassagivut. – Eqqaaneqarnerat ataqqinartuuli.

Qujanaq.

Taamatut oqaaseqarlunga Inatsisartut 2018-imi immikkut ittumik ataatsimiinnerat ammarpara.